

Casimir DAUPHIN

MARIETO

MARIETO MADELOUN LEI VIEIS CAMINS LEI PINS

Poème en vers provençaux
En trois parties

PREMIERE PARTIE

I

Un souar, la luno èro supèrbo,
Oou ribas d'un valloun asséta déssu l'hèrbo,
Pantailavi tout révéilla;
Huroux d'un frés ventoun qu'en passant m'emboumavo,
D'un dous espouar, qué l'amour mi dounavo
Et dé mei vingt ans désbuilla.
Uno sourço en courant su dé loouvétos blancos,
Babillavo eis abrouas en li bagnan lei brancos.
Din l'herbo, lei greillets crénillavount séi chants,
Et déi pins sabi pas qué long souflé mountavo...
Mi semblé qué la coualo en durment respiravo
Toutei lei doux parfums, qué courrient din lei champs.